



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Lamech Mathus. Filius. Enthusiasmus.

urn:nbn:de:hbz:466:1-38349

MUNDI

Aut singuli Caino similes vixerunt,
Aut unus in singulis Cain revixit.
Modestus proinde, non molestus Moses
Ne vel aures loquendo,
Vel historiam silendo læderet;
Loquaci silentio
Infanda gesto nec evulgavit, nec tacuit.
Annorum etiam numerum consultò filuit.
Nihil enim vivunt, qui male vivunt.
Nec annos impii usurpan, sed perdunt.
Nomo igitur invento supplicio,
Scelestos ulciscitur dum taceat scelera:
Calamo pungit quos expungit.
Torq; capita obtruncat, quot truncat nomina.
Jacete igitur æternum,
Incaesti, Latrones, Patricidæ:
Digna Caina Proles,
Pro latebra & sepulchro, silentium dono.

LAMECH MATHUSAELIS FILIUS. ENTHUSIASMUS.

Quorsum Fata consulis Lameche,
Quem inconsultum facta condemnant?
Afflatus vaticinor. Quid hoc est?
Bis amans, bis amens:
Non uno contentus jugali vinculo,
Utramq; igitur pellicem, utramq; succubam facis,
Ut fatidico jam nomine arguaris,
Lamechus mœchus.
Quæ hæc discors concordia,
Cor unum in discordes scindere Conjuges:
Et alternis Liberis, alternas inducere Novercas?
Licet sine lituo, & infula præfigire:
Certum tibi odium rivales infligent Conjuges:
Cum incerti confligent amores,
Uno flagrabis incendio,

Cum

P U E R I T I A .

Cum geminus Hymen adversis bellabunt facibus.
Malo omne Polygamiæ licentiam facis ex Bigamiâ,
Nam septuages septies plectendus,
Septem, & septuaginta libros suscipies, & depones;
Toties Orbis, quoties Pater,
Impius verò Genitor,
Impio terram Genere onerabis,
Magis impius Nepos,
Impiorum Principem Atavum pro fera cædes,
Nil tibi debet Terrarum Orbis.
Quod Cainum exanimas, si ejus animum retines,
Uno jaculo Caino mortem ; Vitiis vitam, dedisti,
Errabit oculus, at non errabit manus,
In flagitia per se docilis.
Filiī etiam nece Atavi Manes placabis.
Æquè scelustus, sive scellestos gignas, sive occidas,
Hoc habent pessimi optimum,
Quod mutua se se per arma plectunt :
Hoc pessimum, quod sine scelerē non possunt plectere.
Divinare jam liber :
Incipiet mors hac te punire quā peccas.
Marcente siquidem utraq; pupilla,
Antequam vita careas, orbe carebis :
Et mortuo destinatam noctem vivus anticipabis,
Regent te Filii errantem Patrem,
Qui errantes Filios non regis.
Te cæcum antecedent, qui scelustum sequuntur,
Ibis tandem cum Filiis præcepis Genitor,
In diluvio naufragus.
Cupidinis flammis ambustus, in undâ peribis.

F A B E L
LAMECHI FILIUS.
P R O S O P O P E I A .

Viator,
Bene mihi precare si malus es.
Ego Lamechi primigenius, sed Patre peior,
De malis bene merui.

A s

Nam